

文獻通考卷之一百二十五

鄧陽 馬端臨 貴與 著

王禮考

山陵

魏武王崩遺令無藏金玉珍寶高陵

建安二十五年正月庚子崩二

月丁卯葬

文帝皇初二年十月表首陽山東為壽陵

帝自作終制曰禮國君即位為柩存不忘亡也

柩

按堊反臣松之按禮天子諸侯之棺各有重數棺之親身者曰柩

昔堯葬穀林通

樹之禹葬會稽農不易畝

呂氏春秋堯葬於穀林通樹之舜葬於紀布廬

不變其肆。禹葬
營藉不變人徒。

故葬於山林。則合乎山林對樹之

制。非上古也。吾無取焉。壽陵因山爲體。無爲封樹。
無立寢殿。造園邑。通神道。夫葬也者。藏也。欲人之
不得見也。骨無痛癢之知。冢非棲神之宅。禮不墓
祭。欲存亡之不黷也。爲棺槨。足以朽骨。衣衾。足以
朽肉而已。故吾營此丘墟。不食之地。欲使易代之
後。不知其處。無施葦炭。無藏金銀銅鐵。一以瓦器。
合古塗車芻靈之義。棺但漆際。曾三過。飯含無以
珠玉。無施珠襦玉匣。諸愚俗所爲也。季孫以璫璆
歛。孔子歷級而救之。譬之。暴骸中原。宋公厚葬。君

子謂華元樂莒不臣。以爲棄君於惡。漢文帝之不
發霸陵。無求也。光武之掘原陵。封樹也。霸陵之完
功在釋之。原陵之掘罪在明帝。而釋之忠以利君。
明帝孝以害親也。忠臣孝子。宜思仲尼丘明釋之
之言。鑒華元樂莒明帝之戒。存其所以安君定親。
使魂靈萬載無危。斯則賢聖之忠孝矣。自古及今。
未有不亡之國。亦無不掘之墓也。喪亂以來。漢氏
諸陵。無不發掘。至乃燒取玉匣金縷。骸骨并盡。是
焚如之刑也。豈不重痛哉。禍由乎厚葬封樹。桑霍
爲我戒。不亦明乎。其皇后及貴人以下。不隨王之

國者有終沒皆葬。澗西前又以表其處矣。蓋舜葬
蒼梧。二妃不從。延陵葬子。遠在羸博。鬼而有靈。無
不知也。一澗之間。不足爲遠。若違今詔。妄有所變
改造施。吾爲戮尸地下。戮而重戮死而重死臣子
爲蔑死君父不忠不老使
死者有靈將不福汝其以此詔
藏之宗廟副在尚書省書三

按魏武父子遺令俱欲薄葬。世傳曹公疑冢
七十有餘。其防患至矣。秦始皇高齊神武俱
厚葬。且殺匠徒以滅口。然易代之後。不免發
掘。三人俱英雄。而末着識達。則曹爲優云。

始武帝葬高陵。有司依漢立陵上祭殿。至黃初三年。

詔曰先帝躬履節儉遺詔省約子以述父爲孝臣以
繫事爲忠古不墓祭皆設於廟先帝高平陵上殿皆
毀壞車馬還廐衣服藏府以從先帝儉德之志遂革
上陵之禮及齊王在位九載始一謁高平陵

七年帝崩葬首陽陵自殯及葬皆以終祭從事

五月丁巳

朔六月

戊寅葬

明帝將送葬曹真陳羣王朗等以暑熱固諫乃止

孫盛曰夫窆窆之事孝子之極痛也人倫之道
於斯爲重故天子七月而葬同軌畢至夫以義
感之情猶盡臨隧之哀况乎天性發中敦禮者

重之哉。魏氏之德。仍世不基矣。昔華元厚葬。君子以棄君於惡。羣等之諫。棄孰甚焉。

明帝景初二年。帝崩葬高平陵。

正月丁亥崩。二月癸丑葬。

帝崩。殯於九龍殿。尚書訪曰。當以明皇帝謚告四祖。祝文於高皇。稱玄孫之子云。何王肅曰。禮稱曾孫某。謂國家也。荀爽鄭玄說皆云。天子諸侯事曾祖以上。皆稱曾孫。又訪按漢既葬。容衣還。儒者以爲宜如文皇帝故事。以存時所服。王肅曰。禮雖無容衣之制。今須容衣還。而後禋祭。宜依尸服卒者。

上服之制。生時褻服。可隨所好。至於制度。則不如。

禮。孔子曰。祭之以禮。亦爲此也。諸侯之上服。則合服也。天子不爲命服。然亦所以命服之上也。按漢氏西京故事。月游衣冠。則容衣也。言冠以正服。不以褻衣也。尚書又訪容衣還羣臣。故當在帳中。常填衛見。王肅曰。禮不墓祭。而漢氏正月。上陵神座。在西序東向。百辟計吏前告郡之穀價。人之疾苦。欲先帝冤靈聞知。時蔡邕以爲禮有煩而不可去。事亡如存。况合無填衛之禁。而合於如事存之義。可見於門內拜訖。入帳臨。乃除服。

晉武帝泰始二年八月。詔曰。此上旬。先帝棄天下之

日便已周年。思慕煩毒。欲詣陵瞻侍。以盡哀憤。王者具行備。安平王孚尚書令裴秀等奏陛下至孝。衰麻雖除。哀毀蔬食。有損神和。秋節尚有餘暑。謁見山陵。悲感摧傷。宜降抑聖情。以慰萬國。帝曰。朕得奉瞻山陵。以叙哀憤。體氣自佳耳。又曰。今當見山陵。何心無服。其以縗經行。

詳見國恤門

晉宣王遺令子弟羣官。皆不得謁陵。景文遵旨。武

帝猶再謁崇陽陵。

景帝陵

一謁峻平陵。

文帝陵

然遂不

敢謁高原陵。

宣帝陵

至惠帝復止也。

晉尚書問按禮天子七月葬。新議曰。禮無吉。駕象生。

之旆。四海遏密八音。豈有釋其縗絰以服玄黃黼黻哉。雖於神明哀素之心。已不稱矣。輒除鼓吹。吉駕鹵簿。孫毓駁尚書顧命。成王新崩。傳遺命文物權用吉禮。又禮卜家占宅朝服。推此無不吉服也。又巾車旆遣車及葬。執蓋從方相玄衣裳。此鹵簿所從出也。今之吉駕亦象生之義。鹵服可除。鼓吹吉服可設。而不作。摯虞曰。按漢魏故事。將葬設吉鹵。鹵簿皆有鼓吹。新禮無吉駕導從之文。愚按禮葬有祥車曠左。則今之容車也。春秋鄭大夫公孫蠆卒。天子追賜大輅。使以行禮。又士喪禮有道車乘車。以象生存。此兼有吉

駕明文既有吉駕。則宜有導從。宜定新禮。設吉服。導從其凶服。鼓吹宜除。銘旌建太常。畫日月星辰。杜云。九仞旒委地。杜元愷喪服要集云。遣車易以輦牀。舉奠祭之具。及器藏物。皆覆以白練。

漢魏故事。大喪及大臣之喪。執紼者輓歌。新禮以爲輓歌。出於漢武帝役人之勞。歌聲哀切。遂以爲送終之禮。雖音曲摧愴。非經典所制。違禮設銜枚。義方在號慕。不宜以歌爲名。除不輓歌。摯虞以爲輓歌。因倡和而爲摧愴之聲。銜枚所以全哀。此亦以感衆。雖非經典所載。是歷代故事。詩稱君子作

歌惟以告哀。以歌爲名。亦無所嫌。宜定新禮如傳
詔從之

武帝崩葬峻陽陵

四月己酉崩
五月辛未葬

惠帝崩葬太陽陵

十一月庚午崩
十二月己酉葬

元帝崩葬建平陵。明帝徒跣至于陵所。

永昌元年閏
十一月己丑

崩次年二月葬
係太寧元年

元帝崩後諸公始有謁陵辭陵之事。蓋由義同友執

率情而舉也。成帝時中宮亦年年拜陵。議者以爲非

禮遂止。穆帝時褚太后臨朝。又拜陵。帝時幼也。孝武

崩。驃騎將軍會稽王導子曰。今雖制釋服。至於朔日

月半諸節。自應展情。陵所以一思爲斷。於是至陵變服。單衣煩瀆。無准非禮也。及安帝元興元年。左僕射桓譙奏百僚拜陵。起於中興。非晉舊典。積習生常。遂爲近法。尋武帝詔。乃不使人主諸王拜陵。及義熙初。又復江左之舊。

自漢魏以來。羣臣不拜山陵。王導以元帝睭同布衣。匪惟君臣而已。每一崇進。皆就拜。不勝哀戚。由此詔百官拜陵。自導始。

明帝崩葬武平陵

七月戊子崩
九月辛丑葬

成帝咸康七年。皇后杜氏崩。有司奏。大行皇后陵所

作凶門。栢歷門。號明陽端門。詔門如所處。凶門栢歷大爲繁費。停之。按蔡謨說。以二九器。始死之際。繫於木裏。以葦席置庭中。近南門爲里。今之凶門。是其象也。禮記虞而作主。今未葬未有主。故以重當之。禮稱爲主道。此其義也。范堅又曰。凶門非禮。禮有懸重形似凶門。後人出門。以表喪俗。遂行之。簿帳卽古弔幕之類也。是時又詔曰。重壤之下。豈宜崇飾。陵中惟繁掃而已。有司又奏。依舊選公卿以下。六品子弟六十人爲挽郎。詔又停之。

成帝崩。葬興平陵。

六月癸巳崩。七月丙辰葬。

康帝徒行。送喪至閭。

闔門乃升素輿至陵所

康帝崩葬崇平陵

九月戊戌崩
十月乙丑葬

穆帝永和八年峻平崇陽二陵崩

景帝文
帝崩

帝臨三日

遣殿中都尉王惠如洛陽以衛五陵

穆帝崩葬永平陵

五月丁巳崩
七月戊午葬

哀帝崩葬安平陵

二月丙辰崩
三月壬申葬

簡文帝崩葬高平陵

七月己未崩
十月丁卯葬

孝武帝崩葬陵平陵

九月庚辰崩
十月甲申葬

安帝義熙十二年劉裕北伐秦將姚光以洛陽降燕

司空高密王恢之脩謁五陵

安帝崩。葬休平陵。十二月戊寅崩。正月庚申葬。

恭帝崩。葬冲平陵。

宋崔元凱喪儀云。銘旌。今之旒也。天子丈二尺。皆施跗。樹於壙中。遣車九乘。謂結草爲馬。以泥爲車。踈布輜。四面有障。置壙四角。以載遣奠。牛肉斬取骨脰。車各一枚。

武帝崩。葬丹陽建康縣蔣山。初寧陵。五月癸亥崩。七月己酉葬。

武帝母孝懿蕭皇后崩。遺令。漢世帝后陵皆異處。今可於塋域之外。別爲一壙。一遵往式。乃開別壙。與興寧合塋。初武帝微時。貧約過甚。孝皇之祖葬禮多闕。

帝遺青太后百歲後不須祔葬。至今故稱后遺令云。
文帝每歲正月謁初寧陵。孝武明帝亦每歲拜初寧
長寧陵。

文帝崩葬長寧陵。

二月甲子崩
三月癸巳葬

孝武帝崩葬丹陽秣陵縣巖山景寧陵。

五月庚申崩
七月丙午葬

明帝崩葬臨沙縣莫府山高寧陵。

四月己亥崩
六月戊寅葬

齊高帝崩梓宮於東府前渚升龍舟葬於武進泰安

陵於龍舟卒哭內外反吉。

三月壬戌崩
四月丙午葬

武帝崩葬景安陵。

七月戊寅崩
八月丙寅葬

明帝崩葬興安陵。